

ՀԱՅՏԱՐԱՐՈՒԹՅՈՒՆ

ՀՀ Էկոնոմիկայի Նախարարություն

«Համայնքների գյուղատնտեսական ռեսուրսների կառավարման և մրցունակության»

Երկրորդ Ծրագրի

«Արժեշրթանների Զարգացում» Բաղադրիչի մրցույթ

ՀՀ Էկոնոմիկայի Նախարարության գյուղատնտեսության ծրագրերի իրականացման վարչության (ԳԾԻՎ) կողմից իրականացվում է «Համայնքների գյուղատնտեսական ռեսուրսների կառավարման և մրցունակության» Երկրորդ Ծրագիրը, որի բաղադրիչներից է «Արժեշրթանների զարգացում» (ԱՇԶ): Արժեշրթանների զարգացմանն ուղղված ենթածրագրերը իրականացվում են Հայաստանի Հանրապետության ողջ տարածքում: Ենթածրագրերի ընտրությունը կատարվում է մրցույթային կարգով՝ համաձայն գործող ընթացակարգի:

ԱՇԶ Բաղադրիչի նպատակը.

ԱՇԶ բաղադրիչի հիմնական նպատակն է՝ աջակցություն ցուցաբերել կաթի, մսի (ծուկ, թռչուն), մրգի, բանջարեղենի, մեղրի, բարձրարժեք հատապտղի, ինչպես նաև կերարտադրության ոլորտների արտադրողներին, վերամշակողներին և արժեշրթայի այլ մասնակիցներին արտադրանքի որակական ցուցանիշների, ներքին շուկայի պահանջարկի, սննդամթերքի անվտանգության պահանջների բարելավման, ինչպես նաև գյուղատնտեսական մթերքի արտադրության և արտահանման ծավալների ավելացման հարցերում:

Իրավասու հայտատուներ

Բաղադրիչի շրջանակներում նախատեսվում է նպատակային ֆինանսական օժանդակություն տրամադրել ՀՀ օրենսդրությանը համապատասխան և պատշաճ ձևով գրանցված գյուղատնտեսության և սննդի վերամշակման ոլորտների տնտեսվարող սուբյեկտներին, այդ թվում՝ անհատ ձեռնարկատերերին, արտադրական, սպառողական և գյուղատնտեսական կոոպերատիվներին, գյուղատնտեսական մթերքի վերամշակման ձեռնարկություններին (բացառությամբ հասարակական կազմակերպությունների և հիմնադրամների), որոնք ներգրավված են ընտրված արժեշրթաններում և բավարարում են ծրագրի համապատասխանության և ընտրության չափանիշներին:

Իրավասու հայտատուներից (վերամշակող ձեռնարկություններ և այլն) առաջնահերթություն կստանան այն հայտատուները, որոնք ենթածրագրերի իրականացման ընթացքում լայնածավալ համագործակցություն (պայմանագրային հիմունքներով) կիրականացնեն մեծ թվով ֆերմերային տնտեսությունների հետ:

Նպատակային ֆինանսավորման ուղղություններ.

ԱՇԶ Բաղադրիչի շրջանակներում շահառուներին հատկացվող նպատակային ֆինանսավորման գումարները կարող են օգտագործվել ստորև նշված ծախսերի լրիվ, կամ մասնակի ֆինանսավորման նպատակով.

1. Նոր սարքավորումների (վերամշակման սարքավորումների, ինչպես նաև տրակտորների) ձեռքբերում, այդ թվում՝
 - ▶ արտադրության և վերամշակման,
 - ▶ հետբերքահավաքային մշակման և վերամշակման,
 - ▶ պահեստավորման և պահպանման,
 - ▶ լաբորատոր (ներառյալ՝ շարժական և հատուկ մասնագիտացած տեխնիկա),
 - ▶ փաթեթավորման և տեսակավորման,
 - ▶ որակի վերահսկողության,
 - ▶ բոլոր տիպի սարքավորումներ և տեխնիկական հոսքագծեր՝ կապված արտադրանքի որակի բարելավման և ծավալների ավելացման հետ:
2. Առկա (հին) սարքավորումների տեխնոլոգիական վերազինման նպատակով՝ նոր սարքավորումների ձեռքբերում,
3. «ՍԱԿՀ» Սննդի անվտանգության կառավարման համակարգի իրականացման ծախսեր՝ ներառյալ իրականացման ընթացակարգերի բոլոր փուլերը (ուսուցումներ, հետևյալ համակարգերի ներդրում՝ HACCP, ISO, օրգանական արտադրության, պատշաճ գործելակերպի բոլոր տեսակները, հարակից այլ տեխնիկական աջակցություն և այլն),
4. Տեղական և միջազգային հավաստագրերի ձեռքբերման և միջազգային կազմակերպությունների կողմից հավաստագրման ծախսեր,
5. Շուկայավարման և բրենդինգի ծառայությունների ձեռքբերման ծախսեր ներառյալ՝ առևտրային նշանի և արտադրանքի արտաքին տեսքի (նաև փաթեթավորման, մշակման և այլն),
6. Բոլոր տեսակի բարձրարժեք մրգերի և հատապտուղների նոր սորտերի տնկիների ձեռքբերման ծախսեր,
7. Տեխնիկական աջակցության և մասնագիտական տեխնիկական և շուկայավարման (հատկապես արտահանման խթանման վերաբերյալ) խորհրդատվության ձեռքբերման ծախսեր:

Վերոնշյալ ակտիվների ձեռքբերումը կարելի է ֆինանսավորել, ինչպես ԱՇԶ Բաղադրիչի նպատակային ֆինանսավորման, այնպես էլ Շահառուների համաֆինանսավորման հաշվին:

ԱՇԶ բաղադրիչի շրջանակներում դրամաշնորհային միջոցներից չեն կարող ֆինանսավորվել՝

1. նախքան դրամաշնորհային համաձայնագրի կնքումը որևէ ձեռքբերման ծախսեր,
2. բնապահպանական առումով վտանգավոր և շրջակա միջավայրի վրա անվերականգնելի բացասական ազդեցություն ունեցող ակտիվների ձեռքբերման ծախսեր,
3. բացասական սոցիալական ազդեցություն ունեցող, կամ տարաբնակեցման ռիսկեր պարունակող ակտիվների ձեռքբերման ծախսեր,
4. շինությունների և հողատարածքների ձեռքբերման և վարձակալության ծախսեր:

5. շինարարական աշխատանքների իրականացման ծախսեր: Եթե անհրաժեշտ է իրականացնել վերանորոգման որոշակի աշխատանքներ, կապված սննդի անվտանգության համակարգերի ներդրման հետ, ապա դրանք կարող են ֆինանսավորվել շահառուների կողմից կատարվող ենթածրագրի համաֆինանսավորման միջոցներով,
6. հումքի և շրջանառու միջոցների ձեռքբերման ծախսեր,
7. աշխատանքի վարձատրության և փոխհատուցման ծախսեր (ներառյալ ՍԱ-ի խորհրդատուի փոխհատուցման ծախսեր)
8. շահառուի գործառնական այլ ծախսեր, որոնք հակասում են ԱՇՁ Բաղադրիչի դրույթներին,
9. սարքավորումների վերանորոգման ծախսեր,

Վերոնշյալ ցանկի կետերից (4-9) յուրաքանչյուրի մասով շահառուի սեփական ֆինանսական ռեսուրսներից կատարած ծախսերը համարվում են Շահառուների համաֆինանսավորում և դիտվում են նրա կողմից ենթածրագրի բյուջեում ներդրման ենթակա 50%-ի համալրում:

Ներկայացվող պահանջներ՝

Հայտատուի կողմից ներկայացվող Հայտ-դիմումները և Բիզնես-հայտերը պետք է բավարարեն հետևյալ պահանջներին.

- Առաջարկվող ենթածրագրի տևողությունը պետք է լինի նվազագույնը 12 (տասներկու) ամիս, իսկ առավելագույնը 24 (քսանչորս) ամիս:
- Ենթածրագրի նպատակային ֆինանսավորման գումարը պետք է լինի նվազագույնը 8,000 ԱՄՆ դոլար, իսկ առավելագույնը 50,000 ԱՄՆ դոլար,
- ԱՇՁ Բաղադրիչի շրջանակներում նախատեսվում է իրականացնել ենթածրագրերի համաֆինանսավորում շահառուի կողմից՝ իրականացվող ենթածրագրի բյուջեի առնվազն 50%-ի չափով :
- Շահառուների կողմից ենթածրագրերը պետք է համաֆինանսավորվեն ֆինանսական միջոցներով. ոչ ֆինանսական ակտիվների (հող, անշարժ և շարժական գույք, սարքավորումներ, աշխատանք և այլն) ներդրումը ԱՇՁ Բաղադրիչի կողմից չի համարվում համաֆինանսավորում: Համաֆինանսավորում է համարվում շահառուի կողմից իրականացվող բացառապես ֆինանսական ներդրումը:
- Հայտատուն չի կարող մեկ անգամից ավել ստանալ ենթածրագրերի նպատակային ֆինանսավորում:
- Ենթածրագրերի նպատակային ֆինանսավորում չի հատկացվում այն հայտատուներին, որոնք նախկինում անհաջողության են մատնել, կամ ձախողել են որևէ ծրագիր:

Լրացուցիչ պահանջներ

Մենդի անվտանգության (ՍԱ) խորհրդատու ընտրելու համար շահառուից չի պահանջվում հայտարարել մրցույթ: ՍԱ խորհրդատուն շահառուի կողմից կարող է ընտրվել ՀԲ-ի կողմից հաստատված և համաձայնեցված ցանկից:

Հայտ-Դիմումների ընդունում

Շահագրգիռ հավակնորդները (դիմորդները) իրենց կողմից պատրաստված Հայտ-Դիմումները և պահանջվող փաստաթղթերը պետք է ներկայացնեն ՀՀ Էկոնոմիկայի Նախարարության գյուղատնտեսության ծրագրերի իրականացման վարչության ՀԳՌԿՄ II Ծրագրի ԱՇՁ քարտուղարություն (0051, ՀՀ ք.Երևան Մամիկոնյանց փող, 39ա) մինչև 29.10.2019թ. ժամը 18:00:

Հայտ-Դիմումները պատրաստում և ներկայացնում են իրավասու հայտատուները՝ իրենց ղեկավարի ստորագրությամբ: Վերջնաժամկետից հետո ներկայացված Հայտ-Դիմումները ենթակա չեն ընդունման ԱՇՁԲ կողմից: Էլեկտրոնային փոստով և ֆաքսով ուղարկված Հայտ-Դիմումներն նույնպես ենթակա չեն ընդունման ԱՇՁԲ կողմից:

Ծանուցում

Ինչպես ընտրված, այնպես էլ մերժված հայտատուները կտեղեկացվեն գրավոր: Մերժված հայտատուներին կվերադարձվեն իրենց կողմից ներկայացված փաստաթղթերի բնօրինակը:

ԱՇՁ Բաղադրիչի գործունեության և հայտերի պատրաստման կանոնակարգերին մանրամասն ծանոթացնելու նպատակով ՀՀ Էկոնոմիկայի Նախարարության գյուղատնտեսության ծրագրերի իրականացման վարչության ՀԳՌԿՄ II Ծրագրի ԱՇՁ քարտուղարության աշխատակազմը պոտենցիալ հավակնորդների (իրավասու հայտատուների) համար կկազմակերպի աշխատաժողով՝ կաթի, մսի (ծուկ, թռչուն), մրգի, բանջարեղենի, մեղրի, բարձրարժեք հատապտղի, ինչպես նաև կերարտադրության ոլորտների արտադրողների, վերամշակողների և արժեշրթանների այլ մասնակիցների համար 25.10.2019թ ժամը 13:00 Հասցե՝ ՀՀ ք. Երևան, 0037, Ազատության պող. 2/2 «ՌԵԴԻՍՈՆ ԲԼՈՒ ՀՈՒԹԵԼ, ԵՐԵՎԱՆ»:

Փաստաթղթերի ներկայացման վերաբերյալ տեղեկություններ

Հայտ-Դիմումների պաշտոնական ձևանմուշների լրացման հետ կապված այլ անհրաժեշտ տեղեկություններ կարող եք անվճար ստանալ ՀՀ Էկոնոմիկայի Նախարարության գյուղատնտեսության ծրագրերի իրականացման վարչության ՀԳՌԿՄ II Ծրագրի ԱՇՁ քարտուղարությունից:

Հասցե՝ 0051, ՀՀ ք.Երևան Մամիկոնյանց փող, 39ա

Էլեկտրոնային փոստ՝ vghukasyan@agridf.am; dbaziyani@agridf.am

Հեռախոս՝ 011-29-73-39

Հեռախոս (բջջ)՝ 091-01-35-15; 093-43-34-04: